



Inatsisartut
/maani

Att. Inatsisartuni ilaasortaasunut, Kuupik Kleist aamma Naaja H. Nathanielsen, Inuit
Ataqatigiit

Aktienik tunisineq pillugu § 3 naapertorlugu apeqqummut 256-imut akissut

Aktienik tunisinermet tunngatillugu § 37 naapertorlugu apeqqummik Naalakkersuisut
tigusaqarput, tulliuttuni akineqartussamik.

1.

**§ 37 naapertorlugu apeqqummi nr. 236-mi apeqquq 1 Naalakkersuisut
akissuteqarfiginngilaat. Taamaattumik Grønlandsbankenimi Namminersorlutik
Oqartussat ak-tiaatai Greenland Holding A/S-ip imalunniit Greenland Venture A/S-
ip pisiarinerai ersarissumik akineqarnissaa kingumut qinnutigissavarput.**

Akissut:

Inissisimaffik tassaalissaaq Greenland Holding A/S, najoqqutassatigut
tigumminnuunermut tamanna naapertuutissamat. Greenland Venture A/S tassaavoq
ingerlatseqatigiiffik Greenland Holding A/S-imit pigineqartoq.

2.

**Ulloq 3. december Greenland Holding A/S-ip Namminersorlutik Oqartussat
Grønlandsbankenimi aktiaatai pisiariniarlugit Naalakkersuisunut uppersaraa
Naalakkersuisut ilisimatitsissutigereerpaat. Qanga/ulloq sorleq aktianik
tunisinnaneq Naalakkersuisut siullermeerlutik Greenland Holding A/S-ip
siulersuisuinik oqaloqatiginneq Naalakkersuisut ilisimatitsissutigisinnavaat?**

Akissut:

Periarfissaq taanna siusinnerusukkut Naalakkersuisunit decemberip tallimaani 2012-imi
piginnittut ataatsimiinnerini oqaluuserineqarpoq, tak. imaqarniliaq ima normoqartoq
2012-078113.

3.

**Akisummi nr. 236-mi kukkusumik imatut paasinnittoqarsinnaavoq, aktienik
ingerlatseqatigiiffiup pisortanit pigineqartoq nutaanik aningaasaliissuteqarnissaaq
eqqarsaatigalugu avataanit akiliutissarsiornissaa,
akiliutissarsiunnginnissaaluunniit Naalakkersuisut aalajangersinnaagaat.
Taamaattumik Naalakkersuisut uppersaraaqullugit qinnuigineqassapput,
Greenland Holding A/S-ip Namminersorlutik Oqartussat aktiaataannik
pisinnaanut avataanit aningaasaliiffigineqarnissamik pisariaqartitsinerat,
Naalakkersuisut aalajangigassarinnikkaat? Tamanna siulersuisut kisimik
aalajangigassaraat. Naalakkersuisut allamik isumaqassappata, taanna
itisileqqullugu qinnutigineqassaaq.**

23-12-2013
Suliap normua 2012-078113
Upp. normua 1423561

Postboks 1015
3900 Nuuk
Oqa. (+299) 34 50 00
Allakkasuartaat (+299) 32 50
02
E-mail: govsec@nanoq.gl
www.naalakkersuisut.gl

Akissut:

Greenland Holding A/S-ip kisimi, taamaasillutillu siulersuisut, taanna aalajangigassaraat. Niuernermik nalilersuineq kisiat aallaavigalugu aammalu ingerlatseqatigiiffiup siunertaa, tak. malittarisassat, naapertorlugit, aalajangiisoqarpoq.

4.

Aktianik pisineq Greenland Holding A/S-ip aammalu Greenland Venture A/S-ip, ingerlatseqatigiiffiit pineqartut malittarisassai malillugit siunertaasa iluanniittutut isigineqarpa?

Akissut:

Aktianik pisineq Greenland Holding A/S-ip iluani suliarineqarpoq tamannalu ingerlatseqatigiiffiup malittarisassaanut naapertuuttuulluni, tak. tulliuttuni allassimasut. Ilanngullugu erseqqissaatigineqassaaq, siulersuisut tamanna tunngavigalugu aalajangiimmata isumaqarlutillu, GrønlandsBANKEN A/S-imi aktianik pisineq, ingerlatseqatigiiffiup Kalaallit Nunaanni inuussutissarsiornermik siuarsaaniarnerani periarfissanik nukittorsaaqataanerusoq.

- Siunertaq: *Ingerlatseqatigiiffiup siunertaraa piginneqatatigiiffimmi "Greenland Contractorsimi 21. februar 1994"-imi piginneqataanissaq kiisalu Qorlortorsuarmit erngup nukinganik nukissiorfimmik inaarsaanermut atatillugu siunnersuisarnissaq siunnersortasarnissarlu kiisalu inuussutissarsiutinik siuarsaaneq pillugu Naalakkersuisut anguniagaannik tapersersueqataanissaq. Tassunga atatillugu ingerlatseqatigiiffiup aningaasaatai niuernermik tunngaveqartumik isumannaatsumillu aqunneqassapput."*

Inussiarnersumik inuulluaqqusillunga
Med venlig hilsen


Aleqa Hammond